



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

Epistola IV. Liberii Papae Ad Evsebivm Vercellensem episcopum.

**urn:nbn:de:hbz:466:1-15256**

nem causæ totius honorificentiaæ tuæ literis insinuare,  
cum supra dictus frater meus, vel eius comites in præsen-  
ti possint omnia relatione sua referre. Deus te in columem  
custodiat, domine frater carissime.

## NOTÆ.

<sup>a</sup> Epistola.] Lucifero, Pancratio & Hilario in Galliam profici-  
scentibus, Liberius ad Eusebium has literas dedit, quibus illum ro-  
gauit, ut vna cum legatis apud imperatorem fidei patrocinum sus-  
ciperet. Ad eundem ciudem argumenti paulo post eas, quæ se-  
quuntur, addidit; qua occasione, patet ex initio epistolæ. Eusebius  
his literis, legatisque (ut par erat) honorifice exceptis, vna cum il-  
lis ad Constantium imperatorem in Gallias profectus est; apud quem  
enixius agens, quidquid ea legatione petebatur, nempe ut celebra-  
ret Concilium, impetravit. De quibus cum Liberius certior factus  
esset, de sedulo officio ecclesiæ impenso eum laudat, tertiamque  
quæ infra subiicitur, epistolam ad eundem scripsit. Ex archiuo Ver-  
cellensi cum actis eiusdem Eusebii editæ, mihi dignæ visæ fuerunt,  
quæ aliis eiusdem Liberii epistolis hoc loco adiungerentur.

Eusebius  
cum legatis  
ad impera-  
torem pro-  
ficiuntur.  
Impetratur  
Concilium  
Mediolanē-  
se.

<sup>b</sup> Cum igitur post legationem Vincentius.] Quod Athanasius apologia  
ad Constantium ait, cum Vincentio & Fortunatiano ceteros occi-  
dantis episcopos per vim & contumelias ad damnandum Athana-  
sium inductos fuisse, intelligendum est, sicut hac epistola scribitur,  
vere quidem id ab Arianis cogitatum ac tentatum fuisse, sed Libe-  
rium missa secunda legatione ad Constantium id impediuisse. Ba-  
ron. anno 353. num. 18. & 19.

## EPISTOLA IV. LIBERII PAPÆ AD EVSEBIVM VERCELLENSEM episcopum.

Dilectissimo fratri Eusebio Liberius episcopus.

\* Calle-  
podio.

**R**EMEANTE filio meo \* Callepio ad patriam suam, optimum credidi per hunc sanctitatem tuam saluta-  
re, domine frater carissime, orans Dei clementiam, ut saluus atque hilaris literas meas accipias. Sane quia scio inuidum animum tuum fideliter agere quæ Deus præcepit, commendo tibi fratrem & coepiscopum nostrum Luciferum, sed & carissimos filios meos Pancratium presbyterum, & Hilarium diaconum, qui pro statu ecclesiæ animo virili & virtute deifica, tempore tempestiuo aggressi sunt \* contra inimicos ecclesiæ, quos Deus spi-

Extat apud  
acta Eusebii  
Vercell.

\* pugna-  
re

ritu oris sui destruet. Scio enim feruentem spiritum Dei esse in te, vt simul cum iisdem aggrediaris, vt fides, quæ ab apostolis tradita est ecclesiæ catholicæ, nullo modo irrumpi possit. Certe dignaris retinere, si leges publicæ absentem non condemnant, vt eorum consortio iungat se fides tua, & similis, vbi fuerit, adsit sanctitas tua; vno colloquio, vno consilio id agatis, quod Deo & angelis eius placet, & ecclesiæ catholicæ expedit. Pro hoc labore præmium cælestè, coronam immarcescibilem, hereditatem regni cælorum, Christus Dominus noster retribuat vobis. Salutamus omnes qui tecum Deo fideliiter seruiunt. Salute omnem clerum. Deus te incolument custodiat, domine frater carissime.

EPISTOLA V. LIBERII PAPÆ  
AD EVSEBIVM VERCELLENSEM  
episcopum.

*Liberius episcopus dilectissimo fratri Eusebio.*

Habetur a-  
pud acta  
Eusebii.

**S**CIEBAM, domine frater carissime, quod spiritu Dei feruens in causa fidei, quæ nos potest Domino commendare, fratri & coepiscopo nostro Luciferō, & Pancratio compresbytero nostro, qui simul erat profectus cum filio meo Hilario diacono, fida dignareris solatia exhibere, nec te posse iis denegare, quos sciebas pro deuotione fidei suæ tantum laboris itineris suscepisse. Magnum itaque leuamen animus meus ex lectione literarum tuarum accepit: imo causam ipsam in melius proficere posse, Deo fauente, quod fratres nostros deferre noluisti, iam iamque confido. Labora itaque vt bonus miles, qui præmium æternum imperatoris expectas: & virtutem animi, qua te scio mundi huius illecebras contemptisse, aduersus eos qui ecclesiæ quidem luce orbi sunt, præbere contendere, habens vtpote contemptum vitæ istius: veridicū te sacerdotem ostende, vt laborantibus vobis pro ecclesiæ statu, Concilium possit celebrari; vt omnia quæ in præiudicium fidei subtiliter e diuerso venientes machinati sunt, possint in melius